

SKÓLARÁÐSFUNDUR

Skólaráð Garðaskóla fundur 25. apríl 2016 kl . 16.00 – 17.30

Mættir: Máni Magnússon, Inga Huld Ármann, Gerður Ævarsdóttir, Elías Sólmundsson, Anna María Bjarnadóttir, Hildur Sólveig Pétursdóttir, Berglind Bragadóttir, Katrín Helgadóttir, Hildur Rudólfssdóttir, Brynhildur Sigurðardóttir og Ingibjörg Anna Arnarsdóttir

Fundarstjóri: Brynhildur

Ritari: Ingibjörg Anna

1.

Skólastjóri sagði frá vel heppnuðu skólaþingi sem var í dag 25. apríl.

2.

Hildur Rudólfssdóttir kennsluráðgjafi í tölvum segir frá því að síðasta haust hafi verið farið yfir netstefnu Garðaskóla sem byggir á netstefnu Garðabæjar. Stefna skólans tekur mið af skólastarfinu og sagði Hildur stefnur ólíkar eftir skólum. Hún sýndi hvar hana er að finna á vef skólans og minntist á að gerður er munur á þeim tölvum sem nemendur koma með og svo aðangi sem nemendur hafa að gestaneti skólans. Breytingar verða á netunum og byrja þær í vor en verður fylgt úr hlaði næsta haust. Netið verður hraðara og afmarkað við notendaaðgang. Þ.e. hægt er að óska eftir að gera skriflegan samning um aðgang að netinu. Stefnt er að því að allir nemendur hafi aðgang að netinu næsta haust. Með samningnum er gert ráð fyrir að nemendur og aðstandendur verði enn meðvitaðari um ábyrgð og skyldur á netinu. Fundarmenn fögnuðu samningnum og þróuninni.

3.

BS dreifði skólareglum og nefndi að á síðasta fundi voru þær endurskoðaðar. Vilji var fyrir að koma umgengni fyrir í reglunum og hefur reglan um umgengni verið endurskrifuð og er nú „Við göngum snyrtilega um og stuðlum að sjálfbærni í skólanum okkar“ Gerðar voru nokkrar athugasemdir sem voru lagaðar til og reglan um umgengni var samþykkt á fundinum. Reglan Önnur skólaregla „Við klæðumst hvorki yfirhöfnum né útiskóm í kennslustofum“ var samþykkt en búið er að taka húfur út úr fyrri reglu. „Við sýnum ábyrgð við notkun snjalltækja og leggjum þau til hliðar við upphaf kennslustunda“ er þriðja reglan sem var til samþykktar. Gerð var athugasemd við orðalag sem var lagfært og rökrædd. Í kjölfarið verða prófreglur skoðaðar og athuga þarf hvort þær eru á vefsíðu skólans. Reglurnar þrjár voru samþykktar.

4.

Gerður og Inga í Nemendaráði Garðaskóla sögðu frá starfi ráðsins en meðal starfa ráðsins í vetur hefur verið umfjöllun um umgengni, umhverfismál, matarmál nemenda og aðkoma nemenda að stórum viðburðum í skólanum. Nemendaráðinu var hrósað fyrir frábært starf í skólanum og ekki síst skólaþingið en hluti nemendaráðs átti stóran þátt í að koma því í farsælan farveg.

SKÓLARÁÐSFUNDUR

Katrín frá stjórn foreldrafélagsins sagði frá sjóði sem safnast hefur til að styrkja nemendur og foreldra í skólanum. Nefndi hún að um vænlega upphæð væri að ræða og hugmyndir um að kaupa fyrirlestur sem hentar foreldrum en einnig að nota hluta fjármagnsins til að bæta ásýnd skólans með sófum eða einhverju sem kæmi sér vel. Foreldrafélagið hefur fundað með bekkjarfulltrúum og þar hafa komið fram hugmyndir um að árgangarnir sameinist um að hafa ákveðna dagskrá hver fyrir sig. Foreldrafélagið heldur úti Facebook síðu þar sem góðir og gagnlegir gullmolar leynast eins og til dæmis fræðsla um vespur, útivistatíma, svefntíma o.fl.

Brynhildur sleit fundi kl 17.15 og bauð fundarmönnum að skoða afurðir jafnréttisþingsins.